


SA SUNÉTIGA DE SA LÌNGUA SARDA

IS ORGANUS PRINZIPALIS DE SU CUNDUTU SULADORZU



Sa sunétiga esti sa sciéntzia k'istúdiada is sonus, de totu is linguas e limbarzos óminas, castiendidhus cumentu, custus sonus, béninti sulaus e cumentu funti cuncodraus fisigamenti.

Issa càstiada is Òrganus Suladorzus¹ e is muimentus ki custus fàinti po bogai unu sonu. Custa parti de sa sunétiga esti tzerriada Sunétiga Suladorza². A un'àtera banda

¹ Organi fonatori.

² Fonetica Articolatoria.

nc'esti sa Sunétiga Acústiga, k'istúdiada is sonus in sa, e po sa, cunsisténzia fisiga issoru.

Po sa fisiga su sonu esti un'unda bògada de su Tumbamentu³ de s'àiri inghitzada de su muimentu de unu corpus calisiziada. Custu tumbai póidi essi arregulari e aici in custa manera teneus unu sonu melodiosu, tzerriau scéti sonu, ma perou ki custu sonu no esti arregulari intzaras teneus unu sonu burdu, tzerriau scéti carraxu.

Is sonus ki bòganta is lènguas óminas funti donaus de su tumbamentu de s'àiri ki pàssada aintru de is òrganus suladorzus de kini esti fuedhendi. Custu tumbai si fàidi, in giai casi totu is lènguas óminas, in su mamentu ca su sùlidu esti bessendi de is prumonis in s'interis de s'arrespiratzioni. Custa si fàidi in duus mamentus beni pratzius:

1) Brintadura de s'àiri.

2) Bessidura de s'àiri.

Nc'esti calancuna lèngua ki ténidi fintzas sonus, e fuedhus, in s'interis de sa brintadura de s'àiri, bieì cumentì a amostu s'Isvedesu.

Àteras lènguas ndi tèninti, de sonus, fendidhus cun sa difaréntzia de pressioni de s'àiri ki esti in foras de sa buca cun cussa de aintru a is òrganus suladorzus. Custas si

³ Vibrazioni.

tzèrrianta lìnguas Clik, e funti aintru de su sistema limbìstigu de medas populatzionis africanas, un'ùrtimu arrastu de custa manera de sulai custus fuedhus esti candu nosus naraus de no cun sa difaréntzia de pressioni de s'àiri cun sa lìngua in is sàntzias.

S'òrganu tumbadorzu ki bògada su sonu esti s'Orguena o s'Ogroena⁴, ki esti un'ispètzia de iscatuledha cun bator Ossumodhis⁵. Custus in sa parti de adenanti funti fissus e dhus agataus adhia, o mellus a palas, de sa pedhi de su tzugu a s'artària de su Pisu o su Nuu⁶. Labai is bisuras A-B, nùmurus 4, adhia de i custus mùsculus nci dhu i funti is ki si móvinti, o mellus ki si pòdinti movi, ki dhus tzerrius Sedas⁷, bisuras A-B, nùmurus 3. A mei de custus cuatrus ossumodhis nci funti is Tumbarzas⁸ bisuras A-B, nùmurus 5, ki mancai su nómini issoru in Itallianu, funti duus mùsculus. Candu is ossumodhis, is sedas, funti istesiadas s'una de s'àtera e s'àiri bàrigada custa obetura tzerriada Tùvuri⁹, bisuras A-B, nùmurus 2, no sutzedi nudha. Candu is sedas funti acostiadadas is tumbarzas pòdinti essi bènnias fètias de s'àiri ki de is prumonis s'incarrèrada po lompi a sa buca e aici teneus unu sonu.

⁴ Laringe.

⁵ Cartilagini.


⁶ Pomo d'Adamo.

⁷ Aritenoidi.

⁸ Corde vocali.

⁹ Glottide.

Bisura A - B




Bisura D

Una perra de s'Orguena

2 Grütiri

3 Sedas

6 Turvugrütiri



Is tumbarzas funti mùsculus a bisura de murrus, ki pòdinti essi fètias, funtzioni allecanada o mota, o si pòdinti furriai de grussària, funtzioni bia. Ki custas s'ingrùssanta dònanta unu sonu grai, ma ki custas s'islànginti dònanta unu sonu punciudu, o mellus, acutzu.

Su sonu si pòidi cambiai fintzas a segunda de sa longària de sa parti de is tumbarzas ki bèninti lassadas a movi, prus longa esti custa parti ki si trémidi e prus punciudu esti su sonu, e a s'imbressi, prus crutza esti custa parti e prus grai béssidi su sonu. Su sonu esti prus acutzu in is fêminas e is pipius poita téninti is tumbarzas prus finis de is mascus.

Candu s'àiri bessendi de is prumonis bàrigada sa tùvuri e no atóbiada nisciunu istrobu, ne in parti e ne in totu, is sonus ki béssinti funti cussus de calidadi Boxarzus¹⁰. Po sulai is Cumboxis¹¹ s'àiri dèpidi essi istrobada, in parti o in totu, de un'istringidura, cresura o tancadura de su cundutu suladorzu.

Sa difaréntzia de calidadi¹² de unu sonu, de una boxi, ki esti su matessi, esti dònada de sa froma ki pigada su Tuvugrùtiri¹³ ki fàidi de Casciarrenbronarza¹⁴ a su sonu amanniendindedhu un'iscantus cumponentis.

¹⁰ Vocalici.

¹¹ Consonanti.

¹² Timbro o colore.

¹³ Cavità sopra glottidale.

¹⁴ Risuonatore, amplificatore.

In su Cundutu Suladorzu¹⁵ teneus tres Arrembronadoris¹⁶:

1) Sa Buca.

2) Is Càrigas.

3) Is Murrus.

Barigada sa tùvuri, nùmurus 2 bisuras A-B, e su tuvugrùtiri, nùmuru 6, bisura D. S'àiiri in s'oru de su Gùturu, bisura C, pòidi pigai duas bias: ki sa Coemba¹⁷ bisura C, nùmuru 9, esti abasciada s'àiiri ki s'esti incarrerendi po bessiri, in parti bìntrada in palas de sa buca e in parti lómpidi in is Giassus Carigarzus¹⁸. Aici teneus is boxalis carigarzas cumentu in is fuedhus: Aristais, Compoidori, bei, pai...etc.. Custa calidadi de boxali esistidi in Sardu, Portughesu e Frantzesu, non nc'esti in Itallianu.

¹⁵ Apparato fonatorio.

¹⁶ Risuonatori.

¹⁷ Velo palatino o palato molle.

¹⁸ Fosse nasali.

Sa matessi kistioni nc'esti po su Tzucue.u o Thu.uenu¹⁹, bisura A-B cumentu s'ada depi sulai in tot'e duas bariantis de su Sardu. Su tzucue.u no póidi essi assentau poita su Sardu est'istétiu iscritu sèmpiri cun arfabetus allenus innui no existiada custu Sonu²⁰ ki esti artigulau in su tretu prus bàsciu de su cundutu suladorzu.

Medas iscriidoris sardus po no perdi custa manera de sulai su Sardu si funti imbentaus Sinnus²¹, is tantis ki si dhu podiada permiti is màkinas de iscriri itallianas. Nc'esti kini dh'assentada cun unu puntu /?/, o una /Q/, o una /H/, kini lassendi unu tretu sbuidu / / in su fuedhu in parti de sa cumboxi thu ue ada, o kini iscridi sa litera tzucue.ada prus in artu de is àteras.

So.i So?i Soqi So i Sohi So i po su fuedhu Soli.

Ma.u Ma?u Maqu Ma u Mahu Ma u po su fuedhu Manu.

Fo.u Fo?u Foqu Fo u Fohu Fo u po su fuedhu Focu.

Pa.u Pa?u Paqu Pa u Paku Pa u po su fuedhu Pacu.

Po si fai biri cumentu si funti assentadas fintzas a imoi is tres ispétzias de tzucue.u o thu.uenu.

¹⁹ Colpo di glottide.

²⁰ Qui sta per fonema.

²¹ Grafemi.

SU TAULARZU BOXARZU²² DE SU SARDU

In sa lingua sarda nci funti kimbe boxalis, prus una mesu-cumboxi, o, esti su matessi a nai, mesu-boxali ki esti sa /Y/ arega. Su Taularzu²³ de is boxalis de su Sardu lómpidi a oi, a nosus, de s'Indurupeu, candu in Sardìnnia bìntranta is legionis arrumanas. Su Fenitzu-Punikesu esti de una àtera famillia limbìstiga, de is linguas semìtigas. Su Bascu su Nuraxikesu e s'Etruscu a oi in diri no si scidi cun siguresa de cali limbazos funti fillus.

De s'Indurupeu, fuedhau in tundu a 4.000 annus a.g., no nc'esti abarrau nudha de iscritu, ki forsis custas populatzionis no fianta lómpius a cannosci s'iscridura. Oi arrennesceus a dha torrai, custa lingua, cun is fuedhus, o arrastus de is fuedhus, de su periudu cumunu, cunfrutendi is fuedhus e s'istrudura de totus is linguas ki fàinti parti de custa famillia manna de populatzionis, ki bivianta in mei sas làcanas de s'Índia, Rùssia e Tzina.

IS LÌNGUAS INDURUPEAS SI CRÀSSIANTA


²² Sistema vocalico.

²³ Sistema.


- 1) **Linguas Indu-Irànigas.** *Indianas Antigas:* Sànskritu e Veda; *Indianas Mesudiallis:* Pali e Pràkriti; *Indianu Nou:* Indi, Afganu, Linguas Pami. *Persianu Antigu;* *Persianu Mesudialli:* Phàlavi, *Persianu Nou:* Avéstigu o Zend, Kurdu.
- 2) **Linguas Armenas.**
- 3) **Arbanesu.**
- 4) **Bàrtigas-Islabas:** Lituanu, Letoniu, Prussianu(imoi lingua mota), Russu, Bùrgaru, Serbugruatu, Islobenu, Tzegu, Islobagu, Sorbu, Pulagu, Casciubu, Pulabu(imoi lingua mota).
- 5) **Linguas Germànigas.** *Germànigu de sus:* Danesu, Norvegesu, Isvedesu, Faoresu, Islandesu. *Germànigu Otzidentalli:* Ingresu, Frisoni, Olandesu, Artu e Bàsciu Tedescu. *Germànigu Orientalli:* Gòtianu e totu is linguas Barbarikesas.
- 6) **Tzèltigas.** *Tzèltigu Cuntinentalli* o Gàlligu(oi lingua mota), *Tzèltigu Insularzu:* Gallesu, Brétuni, Irlandesu, Iscutzesu, Mancs o Mannesu.
- 7) **Linguas Italligas.** *Italligu Otzidentalli;* Latinu e linguas Arrumantzas: Frantzesu, Probintzali, Catalanu, Ispanniolu, Portughesu, Rumenu, Sardu, Ladinu, Itallianu, Dàlmadu(oi lingua mota); *Italligu Orientalli:* Oscu, Umbru, Venétigu.
- 8) **Linguas Aregas.** *Aregu antigu:* Iònigu, Àtigu, Eòligu, Dòrigu, Arcàdigu-Tziprikesu; *Aregu Mesudialli* o Bisantekesu; *Aregu Nou.*

Gotianu	Brofar	Mothir	Taihun	Fadar	Hund
Irlandesu	Brathir	Mathir	Deichn	Athir	Cet
Latinu	Frater	Mater	Dekem	Pater	Kentum
Aregu	Frator	Mater	Deka	Pater	Ekaton
Lituanu	Broter	Mote	Desimt		Sintas
Islabu	Bratu	Mati	Deseti		Suto
Armenu	Bayr	Mayr	Dasa	Hayr	
Sankritu	Bhata	Mata	Daca	Pita	Satam
Tocarigu	Pracara	Macara		Pacara	
Sardu	Fradi	Mama	Deke	Babu	Kentu

Itallianu	è	sono
Gotianu	Ist	Sind
Latinu	Est	Sunt
Aregu	Esti	Senti
Lituanu	Esti	
Islabu	Jestu	
Sànskritu	As-ti	Senti
Campidanesu	Esti	Funti
Logudoresu	Es	Sunu



Posizionis de sa lingua in s'Artigulazioni de is Boxalis



Sa grùtiri in totu is posizionis in s'interi ca is
Tumbarzas bòganta su sonu.

Disinnus liaus de is pàginis 147/149 de su liburu de B. Malberg: *Sa limbistiga contemporanea*, su Molinu, Bulunnia, 1972.

Primu de totu bisóngiada allabai beni sa prima cumboxi de sa Sighia²⁴ de is fuedhus; po fuedhai Fradi in is linguas de sa tàula esti sa /B/, po su fuedhu Mama esti sa /M/, po Babu esti sa /P/, po Kentu esti sa /K/. Po imoi si bàstidi nai scéti i custu, eus a biri mellus prus ainnantis, ca is sonus /P/, /B/, /F/, funti sonus prus assimbillantis de cussu ki pàridi a una prima castiada.

Pigaus imoi su fuedhu Armenu Hayr, in Sardu Babu, issu pàridi ca no ténidi nudha in cumunu cun is fromas de is àteras linguas ma castiendidhu mellus e sulendidhu custu currispùndidi a su sonu de su Latinu e de s'Aregu. Poita bieus

ca sa /T/ s'agàtada in Meiboxalis²⁵ in Latinu, Aregu e Sanskritu e in custa positzioni currispùndidi a una /Y/ in Armenu. No pàridi ca cun sa /T/ e sa /Y/ bi dhui siada un'arrelatzioni, ma castiendidhu cun is àterus fuedhus: Fradi = Bayr, e Mama = Mayr, innoi puru sa /T/ esti in positzioni meiboxalis e in Armenu dhu i currispundidi sa /Y/.

Donau unu fuedhu cumunu a s'Indurupeu in custas linguas agataus medas currispundèntzias. S'Indurupeu kannosciada fintzas un'àtera boxali, ki is limbistigus tzèrrrianta Schwa, ki in lingua ebràiga bóliidi nai boxali curtza. Custu schwa bènidi assentau cun una /E/, ma iscrita a fracas in sus. Custu schwa fiada de sonu aici débili e no meda pretzisu, cumente boxali, ki bènidi torrau cun una /I/ in Sànskritu, cun una /A/, /O/, /E/, a segundu de su fuedhu in Aregu; in Latinu cun una /A/; in Islabu cun una /E/ e una /O/; in Gótianu cun una /A/.

In sa lingua indurupea nci fianta fintzas sa /L/, /M/, /N/, /R/, tzerriadas oi Longarzas²⁶ ki podianta funtzionai cumenti a boxalis, bèninti assentadas cun custu sinnu /^o/ ma a giossu de sa litera longarza. Oi in diri scéti in su Sànskritu esti abarrada e bènidi imperada custa longarza, ma arrastus de i custas longarzas ndi funti abarraus in àteras linguas²⁷.

²⁴ Serie.

²⁵ Contesto intervocalico.

²⁶ Sonanti.

²⁷ Sanskrta = Sanskriti = Gramatigamenti currégiu, custa fiada sa lingua de sa religioni e de su poderi.

Prakrta = Prakriti = Gramatigamenti no currégiu, fiada sa lingua de su pópulu.

In Sànskritu.

Mrtas = Mortu

Vrkas = Lupu

In àteras lènguas.

Trst = Triesti in Islobenu.

Krk = Tzugu,

Mlc = Citidia in Tzegu.

Pln = Prenu,

Vln = Lana, in Cruatu.

Smrt = Morti in Serbugruatu.

S'àteru tuvu arrembronarzu eus nau ca esti cussu murrali, is murrus pódinti essi tèntius apicigaus a is dentis e lassai aici un'obertura pitikedha, si pódinti cungiai totu, si pòdinti illonghiai adenantis, si pódinti intundai. In totus

custas maneras teneus unu tuvu arrenbronadorzu in is murrus, is boxalis téntias aici si tzérrianta Murralis²⁸ cumenti a sa /O/ e sa /U/.

Sa calidadi²⁹ de is boxalis bénidi donada puru de sa froma de su tuvu de sa buca donau de su moimentu de sa lîngua, bisura G, candu sa parti de ainnantis de sa lîngua esti acostuada a is sintzias, intzaras teneus is boxalis Sintziarzas³⁰, cumenti a sa /I/ e sa /E/. Custas boxalis Ainnantarzas³¹ no téninti sa Murralidadadi³².

S'àtera kistioni ki brintada po donai diversidadi in sa calidadi de is boxalis esti sa cantidadi³³ de s'arrebroadori murrali ki esti donau de sa mannària de s'obetura de sa buca, o mellus, su tanti ki funti istesiaus s'unu de s'àteru is murrus.

In limbìstiga po pratikesa is obeturas de sa buca si pràtzinti in bator Tantis³⁴.

1) Duus tantis, o càbidus, de obetrura, unu mannu: de sa /A/; unu piticu: su de sa /U/ e de sa /I/.

²⁸ Labiali.

²⁹ Timbro o colore.

³⁰ Palatali o Anteriori.

³¹ De sa sighia de adenanti.

³² Labialità.

³³ Volume.

2) Duus tantis, o càbidus, a tretu de mesu, k'ispèrranta su mannu e su piticu: su de sa /O/ e su de sa /E/.

Sa boxali /A/ esti cussa ki tènidi s'obetura prus manna, bisura C. Própiu po i custa arrexoni su dutori fàidi sulai una /A/ a unu malàdiu po biri mellus in fundu a su gùturu e a sa Coemba³⁵.

Ki sa buca si sèrrada prus de su tanti cosa sua po sulai una /I/ o una /U/, teneus unu sonu ki cumintzada a assimbillai a una cumboxi, poita s'àiri bessendi, de is prumonis po s'incarrerai a foras de sa buca, atóbiada un'istrobu, custu sonu aici oténtiu esti in su matessi mamentu po una perra boxarzu e po s'àtera perra cumboxarzu³⁶. Custu sonu esti assentau cun su sinnu de sa /Y/, sa /I/ arega, cumentu in is fuedhus Mayu, Coyana, Coya, Mamuyada, Ayò....

In su Latinu sa longària de sa boxali teniada Balentza Sulétiga³⁷, issa srebiada po no cunfundi unu fuedhu cun de un'àteru ki dh'assimbillada, una cosa de un'àtera.

³⁴ Gradi.

³⁵ Faringe.

³⁶ Semi consonante o semi vocale.

Populus = Linnarbu de Populus = Pópulu.

Dico = Nau de Dico = Cunsacrai.

Venit = Benit de Venit = Benni.

Os = Buca de Os = Ossus.

S'italianu, ki esti una lingua de intensidadi a s'imbressi de su Latinu ki esti una lingua de cantitadi, sa longària de sa boxali esti detzidia de s'istrudura de su fuedhu. Ki nosus pratzeus in Mùscius³⁸ su fuedhu itallianu notte e s'àteru note, not/te e no/te, bieus ca su primu fuedhu ténidi sa boxali sulada longa poita esti tancau de sa cumboxi; su segundu ténidi sa boxali curtza poita abàrrada obetu, sa cumboxi esti cun su segundu mùsciu, ki dhus ascutaus beni arrennesceus a intendi sa difaréntzia e iscriendidhus si difaréntzianta in su Sinnu³⁹.

Notte = Noti de Note = Iscriiri.

Sette = Numeru de Sete = Sidi.

Fatto = Fatu de Fato = Sorti.

Petto = Piturra de Peto = Tródhiu.

³⁷ Valore fonologico.

³⁸ Sillabe.

³⁹ Graficamente.

In itallianu, a difaréntzia de su Latinu sa longària de sa boxali no ténidi balentza sulétiga, ma esti Prenosa⁴⁰.

In itallianu ténidi balentza sulétiga s'obetura o istringidura de sa boxali, in custu nc'eus a torrai.

Su Sardu no cannòscidi sa difaréntzia de is boxalis curtzas cun cussas longas, ma cannòscidi, cumentu difaréntzia, cussa de is boxalis Ladas, o obetas, cun cussas Tancadas, o istrintas. Custu caràteri perou esti donau po e de sa lei de sa Barigasi⁴¹, ki bòlidi nai ca s'ùrtima boxali de unu fuedhu cunditziònada sa calidadi de i cussas ki bèninti de ainnantis.

Su fuedhu lèpèrè tènidi totu is tres /E/ ladas, o obetas, ma in su fuedhu lèpèrèdhu sa /U/ ùrtima, ki esti istrinta, cunditziònada is tres /E/ ki bèninti prima e dhas tancadas, o istrìngidi.

Bona, ténidi sa /O/ lada, ma in Bonu sa /O/ esti tancada de sa /U/ ki dhi bènidi avatu, e i custa /O/ s'istrìngidi, si sérrada. Sa matessi kistioni esti po is fuedhus Prena e Prenu, Mala e Malu...etc.

Custu caràteri in su sistema limbìstigu sardu no ténidi balentza sulétiga, ma balentza Sunétiga⁴², mellus eus a nai ca custu caràteri de su Sardu no ténidi

⁴⁰ Pleonastico o ridondante.

⁴¹ Metafonesi.

⁴² Fonetica, non fonologica.

sa balentza de difarentziai Crassis Gramatigarzas⁴³, cumenti a unu verbu de unu nómìni, unu presenti de unu passau...etc.

1) Sa Sunétiga istùdiada is sonus in e po sa funtzioni artiguladorza, in e po sa cunsisténzia fisiga issoru.

2) Sa Sulétiga istùdiada is sonus po sa balentza, o mellus, po su caràteri de distintzioni de is calidadis gramatigarzas.

Oru = Pitziri, de Oru = Metallu.

Ollu = Olli, de Ollu = De olia.

Codhu = Codhai, de Codhu = Parti de su corpus.

Beni = Su mali, de Beni = Benni.

Moi = Sa misura, de Moi = Illuegus.

Medas sambenados sardus funti istétius itallianitzaus: Cabóni de cabòni, De mòntis de de móntis, Melòni de melóni, Mancòni de mancóni (mangóni)...etc.

⁴³ Classi grammaticali.

Tàulas

I

U

/I/ – /U/ = càbidus de obetura prus piticus

E

O

/E/ – /O/ = càbidus de obetura de tret'e mesu

A

Su de sa /A/ esti su tanti, o càbidu de obetura o
ladadura, prus mannu

Campidanesu

Logudoresu

I

U

I

U

E

O

E

O

E

O

A

A

Indurupeu

Sànskritu

o

I		U	I		U
I		U	I		U
E		O	E		O
E		O	E		O
su schwa					
A-A			A-A		

Latinu

I		U
I		U
E		O
E		O
A-A		

Itallianu

I		U
I		U
E		O
E		O
A		

De **dexi** boxalis de su Latinu si lómpidi a is **cincu** de su Sardu e a is **seti** de s'Itallianu. Scéti sa /A/, longa o curtza, dònada sa matesi boxali in Sardu e in Itallianu.

Latinu	Sardu	Itallianu
Filus, cun sa /I/ longa	Filu	Filo
Sitis, cun sa /I/ curtza	Sidi	Sete
Catena, cun sa /E/ longa	Cadena	Catena
Fele, cun sa /E/ curtza	Feli	Fiele
Sole, cun sa /O/ longa	Soli	Sole
Rota, cun sa /O/ curtza	Arroda	Ruota
Muru, cun sa /U/ longa	Muru	Muro
Cruce, cun sa /U/ curtza	Gruxi	Croce
Matrix, cun sa /A/ longa	Màtrike	Matrice
Manus, cun sa /A/ curtza	Manu	Mano

Custus amostus ki eus iscritu funti po fai biri ca su Campidanesu, a difaréntzia de is àteras bariantis de su Sardu, tènidi sa balenza sulétiga, imperendi sa Ladadura e Tancadura de is boxalis, issu, podendi difarentziai is boxalis de is fuedhus assimbillantis, adi pòtziu amanniai su nùmuru de is boxalis e cumentu risultau adi amanniau, pòidi amanniai, su fuedhàriu cosa sua.

In Itallianu is fuedhus Pesca=Pessighe, e Pesca=Piscari, Corso=Cóssiga, e Corso=Curri si fàidi biri ca custa lingua puru ténidi sa balentza sulétiga de sa ladadura o tancadura, poita no podendi difarentziai custus fuedhus cumententi a Not/te e No/te⁴⁴ dhus difaréntziada ladendi o tankendi is boxalis. S'itallianu ténidi fintzas a un'àtera Trassa Limbìstiga⁴⁵ po difarentziai is fuedhus assimbillantis. Su Irtzu⁴⁶. Cumententi fàidi cun is fuedhus Ancòra, de Àncora, o mellus cun Capitàno, Cápitanu e Capitanò e in potenzialidadi iada póidi imbentai un'àteru fuedhu, sèmpiri po cussu k'iada bolli nai, cun Capitanu.

Eus biu ca in itallianu no bàlidi sa longària de sa boxalis, cumententi a su Latinu, ma sa ladadura e istringidura o tancadura cumententi a su Campidanesu.

Totu is sistemas limbìstigus lómpinti in su tempus a essi is prus crarus possibilis, is prus fàtzilis possibilis; po no fai cunfundi is fuedhantis cun is ascurtadoris e is iscrientis de sa matessi lingua.

Cussu ca importada meda esti sa Cuscìentzia Sunétiga⁴⁷ de is fuedhantis su sardu e de is ascurtantis sa lingua sarda. In su Gerrei e in su Sàrrabus, in sa Barbaza de Ollollai, nc'esti artigulau su Tzucue.u⁴⁸, custu bènidi sulau, mellus artigulau, candu una /L/ e una /N/, in Ollollai sa /C/ tostada, s'agàtanta in mei a

⁴⁴ Nello scritto.

⁴⁵ Possibilità o modo fonemático o fonológico.

⁴⁶ Accento.

⁴⁷ Coscienza fonética.

⁴⁸ Colpo di glottide.

duas boxalis. Su sonu de custa cumboxi depiada essi unu tempus sulau in totu sa Sardìnnia, o mellus in una parti siguramenti prus manna meda de i cussa ki esti abarrada oi. Cumentu a amostu pigaus su fuedhu Sriugus-Donigalla, in itallianu Siurgus-Donigala esti sulau cun d'una ella, /L/, scéti, poita a difaréntzia de su Sardu in s'itallianu una ella, /L/, candu s'agàtada a sola bénidi sulada. Ma in sa lingua, o mellus in su sistema limbìstigu sardu una ella, /L/, in meiboxalis⁴⁹ beniada tzucue.ada e siguramenti si sulada Sriugus-Doniga.a.

Candhu s'esti pérdu, a bellu a bellu, su de sulai su tzucue.u, poita custu esti unu sonu difitzili, po sa cusciéntzia sunétiga sarda una ella, /L/, a sola no esistìada in su sardu, s'esti "imbentada" un'àtera ella, /LL/, ki in su sistema limbìstigu sardu esti permitia, e de Doniga.a s'esti passau a Donigalla.

Sa matessi kistioni esti sutzèdia po su fuedhu Arrolli, in itallianu Orroli, s'esti lòmpiu a Arolli candu su sulai Arro.i s'esti cumentzau a perdi, ma sa cusciéntzia sunétiga s'imbentada Arrolli, amìtiu in sardu, ma no Arroli ca beniada inténdiu cumentu unu fuedhu foresu a su sistema limbìstigu sardu. Sa matessi kistioni s'esti bia po àterus sonus allenus, pigaus cumentu amostu su /W/⁵⁰. Su fuedhu Kiwi si póidi imperai po biri ca medas no dh'arrennéscinti a dhu sulai, própiu poita su sonu /W/ esti foresu a su sistema limbìstigu sardu. Sa

⁴⁹ In contesto intervocalico.

⁵⁰ Double u.

matessi kistioni e sti po sa /Q/, in sardu no esistidi e dh'impèranta is ita-latinistas aburréscius.

Torrendi a su tzucue.u, ki eus nau ca beniada imperau in totu sa Sardìnnia e po su Imburdimentu Sunètigu⁵¹ s'esti perdendi, labai custa tàula Mendelevarza⁵² po is sonus:

Bidhaputzi	So.i	Fe.i	Pa.i	Ca.i
Sìnnia	Solli	Felli	Panni	Canni
Mragaxori	Sobi	Febi	Pai	Cai
Ceraxus	Sorhi	Ferhi	Pani	Cani
Castedhu	Soli	Feli	Pani	Cani
Tàtari	Sori	Feri	Pani	Cani
Itallianu	Sole	Fiele	Pane	Cane

Si pàtidi de su sonu prus antigu, prus difitzili, e prus bàsciu, cumentu a tretu de artigulatzioni. De su primu istrobu ki agataus a partiri de is prumonis, po arribai, lòmpi, a su sonu prus acanta a s'itallianu in custu benni de imburdimentu sunètigu.

⁵¹ Lenimento della coscienza fonetica e incapacità glottologica.

⁵²Tipo Mendeleev (struttura atomica).

Nùoro, Nùcoro, Nùgoro, ki esti iscritu, in su primu amostu, cumentu si sùlada⁵³ poita mancada su Sinnarzu⁵⁴ po su thu.uenu. Oi medas sardus sùlanta Nuòro a s'italiana, cun su irtzu in sa /Ò/.

Othan, Otzana, Othana, Ottana; su primu esti su nùmene prus antigu de sa bidha, su segundu dhu sùlanta in sa bidha e totu, su de tres dhu tzérrianta in is bidhas lacanantis, su de bator esti iscritu e sulau in itallianu.

Cerchis, Cerkis, Zerchis, Zerkis, Terchis, Terkis, Therkis, Kerki, (Serci?). Custu esti su matessi sambenadu de is Giudikes Orikesus⁵⁵ liau de iscriduras a partiri de su Mesutempus, fintzas de intzaras nci fianta giai medas maneras de iscriri, o torrai in iscritu de zente allena o de iscritus anzenus, su matessi nómini o sambenadu.

Is Aràbus po su thu.uenu téninti duus sinnus:

1) Unu dhu tzérrianta Ayn; custu bènidi assentau in bator maneras:

a) a primitziu de fuedhu aici

b) aintru de su fuedhu aici

c) in acabu de su fuedhu aici

⁵³ Pronuncia o meglio si fona.

⁵⁴ Grafema.

⁵⁵ De su Logu de Ori. Logudoru.

d) a solu cumentu a lìtera de s'arfabetu aici.

2) S'àteru si tzérriada Hamza; s'assèntada scéti in una manera, aici:

In Sardu = Pregontai

In Sardu = Aba

CUMBOXIS

Po cumprendi su sistema de is cumboxis sardas si dépidi amentai cumentu si cràssianta. Custas si pràtzinti in tres crassis:

1) Po sa Manera de artigulatzioni.

2) Po su Tretu⁵⁶ de artigulatzioni.

3) Po su Tanti de artigulatzioni.

a) Mamentarzas⁵⁷

1) Po sa Manera de artigulatzioni pratzeus:

b) Istentarzas⁵⁸

a) Ambumurralis⁵⁹

b) Murrudentarzas

2) Po su Tretu de artigulatzioni pratzeus: c) Sintziarzas⁶⁰

d) Papadularzas⁶¹

f) Coembarzas⁶²

a) Sonarzas

3) Po su Tanti de artigulatzioni pratzeus:

b) Surdas

⁵⁶ Luogo.

⁵⁷ Momentane o esplosive.

⁵⁸ Continue.

⁵⁹ Bilabiali.

⁶⁰ Apicali.

⁶¹ Palatali.

⁶² Velari.

CRASSIARZU DE IS SONUS⁶³ E SINNUS DE SA LÌNGUA SARDA

CRASSIARZU DE IS SONUS¹ E SINNUS DE SA LÌNGUA SARDA

	Ainnantanzas ²			Perranzas ¹			Palarzas ⁴
	1	2	3	4	5	6	7
Mamentanzas ⁵	P		Th	T	Tz	C	K
Surdus							
Mamentanzas	B		B(h)	D		J	G
Sonanzas			▲				
Frisiantis ⁶		F			S	S(h)	
Surdus				▲			▲
Frisiantis		V			Z	X	
Sonanzas					▲		
Nasanzas	M			N		Ny	
		▲		▲			
Costanzas ⁷				L		Ly	
Orrodanzas ⁸				R			
Furrianzas ⁹							Dh
Ambumerranzas							
Assuspianzas ¹⁰							
Papodularzas ¹¹							
Murrudentanzas							
Sulitanzas ¹²							
Sintziarzas							
Dentanzas							
Coembarzas							

⁶³ Tavola fonematica.

	Ainnantarzas ⁶⁴			Perrarzas ⁶⁵			Palarzas ⁶⁶
	1	2	3	4	5	6	7
Mamentarzas ⁶⁷	P		Th	T	Tz	C	K
Surdas							
Mamentarzas	B		B(h)	D		J	G
Sonarzas							
Frisiantis ⁶⁸		F			S	S(h)	
Surdas							
Frisiantis		V			Z	X	
Sonarzas							
Nasarzas	M			N		Ny	
Costarzas ⁶⁹				L		Ly	

⁶⁴ Anteriori.

⁶⁵ Centrali o medie.

⁶⁶ Posteriori.

⁶⁷ Esplosive o momentanee.

Orrodarzas⁷⁰

R

Furriarzas⁷¹

Dh

Ambumurrarzas

Assuspiarzas⁷²

Papadularzas⁷³

Murrudentarzas

Sulitarzas⁷⁴

Coembarzas

Sintziarzas Dentarzas

SONUS CUMBOXARZUS⁷⁵

Torrendinci⁷⁶ is cumboxis si cràssianta e si difaréntzianta:

⁶⁸ Fricative.

⁶⁹ Laterali o liquide.

⁷⁰ Rotate.

⁷¹ Retroflesse o cervicali.

⁷² Aspirate

⁷³ Cacuminali.

⁷⁴ Spiranti.

⁷⁵ Fonemi consonantici.

⁷⁶ Riepilogando.

1) Po sa Manera de artigulatzioni.

2) Po su Tretu de artigulatzioni.

3) Po su Tanti de artigulatzioni.

1) Po sa **Manera** de artigulatzioni teneus duas crassis:

a) Is Mamentarzas.

b) Is Istentarzas.⁷⁷

2) Po su **Tretu** de artigulatzioni teneus:

c) Is Ambumurralis.

In sa sighia de **ainnantis**:

d) Is Murrudentarzas.

e) Is Sintziarzas.

In sa sighia de is **perrarzas**:

f) Is Papadularzas.

⁷⁷ Continue.

In sa sighia de is **palarzas**: g) Is Coembarzas.

3) Po su **Tanti** de artigulazioni teneus:

h) Is Sonarzas o Lebias⁷⁸.

i) Is Surdas o Meanas.

Is cumboxis si difaréntzianta de is boxalis poita candu bèninti suladas agàntanta un'Istrobadura⁷⁹, in parti o in totu de su cundutu suladorzu. Eus giai nau ca is boxalis no téninti istrobus.

Po sa manera de artigulazioni teneus cumboxis mamentarzas e cumboxis istentarzas; is primas impèranta e s'istèntanta un mamentu scéti po dhas sulai; is segundas aguàntanta su sùlidu fintzas a candu téninti àiri is prumonis nostrus.

Is cumboxis mamentarzas funti cussas ki candu bèninti suladas agàntanta un'istrobu, in totu, de su cundutu suladorzu; custas cumboxis bèninti artiguladas in tres mamentus beni pratzius e pretzibus.

1) Preparazioni de is òrganus de su cundutu suladorzu.

⁷⁸ Tenui.

⁷⁹ Ostascolo.

2) Resisténtzia de is òrganus paraus.

3) Sulamentu⁸⁰ de sa cumboxi, s' àiri béssidi a forti de sa buca.

Is mamentarzas funti fintzas tzerriadas cumboxis beras, poita cumentì a sonus funti is prus fàtzilis a dhas fai e siguramenti is prus antigus de s'istória limbìstiga, custas funti.⁸¹

Ainnantarza	Perrarza	Palarza
P	T	C(tostasda) K
Ambumurràli	Sintziarza	Coembarza

Is sonus /Ka/, /Ko/, e /Ku/, fisigamenti, in s'artigulatzioni, funti paris e su Matessi⁸², po sa kistioni de sa cumboxi, a is sonus /Ca/, /Co/ e /Cu/; sa difaréntzia de sa /K/ cun sa /C/ inustus tres amostus esti scéti Sinnarza⁸³.

⁸⁰ Risoluzione.

⁸¹ Is cunboxis funti, in is sitemas limbìstigus, cumentì a is ossus in sa biologia,ustus càmbianta, a bellu a bellu, istèntanta meda tempus po s'amanniai o imburdai; is boxalis funti cumentì a is mùsculus ki fàinti meda prus allestru a cambiai, tanti ca calancuna lingua antiga, cumentì a su Fenitzu-Punikesu, no dhas assèntada in s'arfabetu cosa sua. Po i custa kistioni labai fintzas sa stenografia e is nùmurus fiscalis.

⁸² Omorganici.

⁸³ Grafica.

Esti una kistioni prus partigulari cussa de is sonu e is sinnus /Ke/, /Ki/ e is sinnus e sonus /Ce/ /Ci/; intzandus innui esti sa kistioni de sa kie, /K/⁸⁴?

Sa /K/, kie, cun sa /A/, /O/, /U/; e sa /C/, ci, cun sa /A/, /O/ /U/; funti duas maneras de assentai unu sonu de sa matessi calidadi cumboxarzus: palarzu e coembarzu. Is boxalis /A/, /O/ e /U/; sa prima esti perrarza, is àteras duas funti palarzas, inustus tres sonus⁸⁵, boxalis e cumboxis funti artigulaus e sulaus in su matessi tretu, o meda a costaus, a curtzu. Candu mègada a nc'essi sa /I/ e sa /E/, ki funti boxalis ainnantarzas, cust'ùrtimas cunditziònanta sa calidadi de sa cumboxi, esti cumentu ca sa /E/ e sa /I/ pìghinti sa /K/ palarza e dha tràghinti a innantis. In su /Ce/ e su /Ci/ boxali e cumboxi funti artiguladas in su matessi logu de sa sighia de is ainnantarzas. Labai su /Ca/, /Co/ e su /Cu/ = /Ka/, /Ko/ e /Ku/ funti su matessi, boxalis e cumboxis, in sa sighia de is palarzas.

Deke, Deghe e Dexi, in is tres bariantes sardas e s'Itallianu Dieci e su Frantzesu Dix, ligiu perou Dis, amòstanta sa matessi trisinadura de palas a innantis. Si pàtidi de sa coemba po lompi a i sintzias barighendi su papàdulu, bisura C nùmuru 8, o mellus de palas a innantis po su tret'e mesu. Cumentu in sa fisiga e kimiga ki de s'uràniu si pàssada a su prumu in cussa ki si tzèrriada sa disintegratzioni atómiga.

⁸⁴ Sa kistioni de sa kie “fattore kappa”.

⁸⁵ Monemi o unità minime di prima articolazione.

Si pàtidi de unu Dekm*⁸⁶, Induropeu; a su Aregu, Deka; passendi po su Latinu, Decem; ki beniada sulau Dekem prima de sa riforma de su 150 a. g.; fintzas a lompi a unu Dix(ligiu Dis), Frantzesu; ki esti prus ainnantarzau⁸⁷ de s'Itallianu, Dieci.

S'arfabetu Itallianu lómpidi oi in diri a nosus de is Arrumanus,ustus dh'ianta pigau de is Etruscus e iustus de is Aregus e cust'ùrtimus in su XI ségulu a.g., dh'ianta pigau de is Punicus. Is iscrizioni prus antigas de su Latinu amòstanta ca is Arrumanus intzaras no cannoscianta sa difaréntzia mei is mamentarzas surdas e sonarzas ki is Etruscus no dha cannoscianta, o mellus su sistema Limbìstigu Etruscu no faiada difaréntzia mei iustas, po issus nai Utur o Udur fiada sa matessi kistioni e issus cumprendianta ca cun iustus fuedhus bolianta nai sèmpiri e scéti sa matessi cosa: Aba.

In su 150 a. g. is Arrumanus cun Semprònio Carvilio dònanta un'arristrudurazioni sinnarza a s'arfabetu issoru e po su sonu coembarzu sonarzu imbèntanta sa /G/ aciungendi una lineedha a sa /C/. Fintzas a su 150 a. g. si poniada sa /K/ ainnantis de sa /A/, sa /Q/ ainnantis de sa /O/ e de sa /U/ e sa /C/ ainnantis de sa /E/ e de sa /I/, ma fudi sèmpiri ligia cumentu a una /K/, kie.

⁸⁶ *Custu sinnu s'imperada po is fuedhu ki si creidi ca benianta "sulaus" de aici ma mai agataus perou iscritus, s'Induropeu no cannosciada s'iscridura ancora.

⁸⁷ "Avantizzato".

Cicero, Cicerònis fudi ligiu Kikero; Caesar fudi ligiu Kaesar, cumentì esti abarrau in su Tedescu Kaiser, e in su Russu Czar.

A pustis de s'arristruduratzioni de Semprònio Carvilio sa /K/ no bèndi prus imperada, sa /Q/ esti imperada scéti cun sa /U/, sa /C/ esti imperada fintzas cun sa /A/ e sa /O/.

Sanskritu	Pasu	Srngā	Daca	Yugam	Trayas
Aregu	Pekus	Keras	Deka	Zugon	Treis
Latinu	Pecu	Cornu	Dekem	Jugum	Tres
Sardu	Pegus	Corru	Deke	Juu	Tres
Isvedesu	Fa	Horn	Tio	Ok	Drei
Tedesku	Vieh	Horn	Zehun	Joch	Drei
Ingresu	Fee	Horn	Ten	Yoke	Three
Itallianu	Bestia	Corno	Dieci	Giogo	Tre

Torraus a nai ca in Latinu sa /C/ beniada sulada /K/, intzaras decem = Dekem; in Sardu teneus in is tres bariantes Deke, Deghe, Dexi. Sa prima esti su sonu prus antigu sa segunda esti a tret'e mesu, sa de tres esti sa prus acostuada a su Frantzesu.

Sa /K/ esti una cumboxi palarza, coembarza, mamentarza, surda.

Sa /G/ esti una cumboxi palarza, coembarza, mamentarza, sonarza.

Su /X/ esti una cumboxi perrarza, papadularza, istentarza, sonarza.

Is cumboxis istentarzas a difaréntzia de is mamentarzas funti suladas kene de istrobus cumpretu, ma scéti in parti, de su cundutu suladorzu. S'àiiri bessendi po sulai custas cumboxis, esti custringta a tumbai contras a is òrganus suladorzus, ki no si tàncanta de totu ma s'istrìnginti scéti, bisura C. Si tzèrrianta cumboxis istentarzas poita issas si pòdinti sulai fintzas a candu unu aguàntada su sùlidu e tènidi àiri in is prumonis, a s'imbressi esti craru ca is cumboxis mamentarzas mancai unu cirkidi de dhu fai no si dhui póidi istentai⁸⁸.

Fisigamenti una /P/ esti paris e su matessi de una /B/, sa /T/ dhui esti cun sa /D/ e sa /K/ cun sa /G/.

Sa /B/, /D/ e sa /G/ aciùnginti a sa /P/, /T/, /K/, una cumponenti boxarza, donau de su tumbamentu de is tumbarzas, e dh'amesturanta a cussu cumboxarzu.

Ainnantarza	Perrarza	Palarza
B	D	G
Abumurralli	Sintziarza	Coembarza

⁸⁸ Arregordaus ca is mamentarzas funti tzerriadas fintzas Cumboxis Beras. Forsis própiu po sa antigoria de i custas, a cunfruntu de is àteras cumboxis ki si lássanta crei una esistèntzia limbistiga prus noa, e nareus, prus ispetzialitzada de is istentarzas.

Latinu	Quadragesima	Equa	Lingua	Aqua	Adaquare	Quattor
Itallianu	Quaresima	Cavalla	Lingua	Acqua	Innaffiare	Quattro
Rumenu	Paresimi	Iapa	Limba	Apa	Adapa	Patru
Sardu	Caresima	Eba	Limba	Aba	Abare	Bator

A su sonu /Qu/ Latinu: su Rumenu arrespùndidi cun s'ambumurrari surda /P/, su Sardu dh'arrespùndidi cun s'ambumurrari sonarza /B/. Cumentu in is àterus fuedhus, ambidha, àbila, sàmbene, in unu fuedhu scéti arrespùndidi cun sa /P/ a su latinu /Qu/, Quadrula = Pàrdula.

Ki is mùsculus funti cirdinus, tèterus, artigulendi unu sonu cumboxarzu, s'àiri ki tùmbara contras a s'istringidura pìgada una arresigadura forti; aici si téninti is cumboxis frisantis, issas funti:

Po su tanti surdu

Ainnantarza	Perrrarza	Perrarza
F	Sc(h)	S

Murrudentarza Papadularza Sulitarza

Ponni una /H/ o una /C/ avatu de sa /S/, essa, cumentu a /Ch/ /Sh/ esti scéti una kistioni sinnarza, antzis esti unu pagu prus currégiu a ponni sa /H/ ca in custu Sinnulobau⁸⁹ s'amòstada mellus su sùspidu.

Ki is mùsculus funti unu prus pagu incirdinaus de sulai is sonus de prima, e in prus nc'esti una arrembronadura in is òrganus suladorzus teneus un'àtera calidadi de cumboxis istentarzas ki si tzérrianta Suspias, o mamentarzas Allecanadas⁹⁰, custas funti:

Po su tanti sonarzu

Ainnantarzas	Perrarza	Perrarza
B(h)	X	Z
Ambumurrali	Papadularza	Sulitarza

Custus sonus /B(h)/ e sa /Z/ nci funti fintzas in sa lingua ispanyola e adi cun meda probabilidadadi cunditzionau su Sardu. Medas fuedhus sardus ki téninti assimbillàntzia cun fuedhus o catalanus o ispanyolus, s'imprus de is limbistas dhus fàinti biri cumentu su Sardu dhus adi pigaus de i custas linguas, esti berus ca

⁸⁹ Doppio grafema.

⁹⁰ Rilasciate.

su Sardu nd'adi siguramenti pigau, ma no dhus bénidi mai in bidea ca su Sardu puru adi otonumamenti bogau fuedhus de su Latinu e dhus adi traballaus limbistigamenti. No depeus tenni, sèmpiri e a marolla, sa dipendéntzia de calancuna cosa o lingua allena.

A tret'e mesu de sa /F/ e de sa /B(h)/, nc'esti una cumboxi prus allecanada de sa /F/ e prus cirdina de sa /B(h)/, custa esti una frisianti sonarza:

Ainnantarza

V⁹¹

Murrudentarza

Un'àtera artigulatzioni partigulari esti cussa ki innui s'amestùranta una perra de mamentarza e una perra de istentarza; custa esti una cumboxi Aperrarza⁹². Dha teneus candu in una mamentarza sa tancadura no bèndi fata illuegus, no in tot'e un'orta, ma unu pagu prus a trigadiu, mellus prus a bellu, e in s'interis a i custa cumponenti sìghidi amesturendisia una perra de istentarza de su matessi tretu de artigulatzioni de sa mamentarza.

⁹¹ Is pipius candu cumentzanta a fuedhai cunfùndinti, o mellus no arrennescinti a pratziri, sa V cun sa F., pròpiu poita s'assimbillanta e si difaréntzianta scéti po su caràteri surdu o sonarzu.

⁹² Affricata semioclusiva.

Perrarza

Tz

Sintziarza

Sa /T/ esti una cumboxi mamentarza, sintziarza, surda.

Sa /Z/ esti una cumboxi istentarza, sintziarza, surda, sulitarza.

Sighendi sa crassiadura, no scéti de sa nostra tàula crassiadorza, custa /Z/ esti prus una /S/, antzis esti própiu una /S/ ma fintzas a imoi esti istétia sèmpiri assentada aici: Dèximuputzu, Setzu, Bidheputzu, Samatzai, Tramatzza, Cotza, Ragatzu, Putzolu, Atzeni⁹³...etc.

Castedhu	Putzu	Pratza	Petza
Igrèsias Desulo	Puciu	Pracia	Pecia
Lanusè	Pussu	Prassa	Pessa
Busaki	Putu	Prata	Peta
Ollollai	Puthu	Pratha	Petha

Àtera calidadi de artigulatzioni esti cussa de is assuspiarzas mamentarzas. Is assuspiarzas si artigulanta candu in sa suladura de una

⁹³ Is nòminis de is bidhas, is sangunaus aguantanta mellus in su tempus, sègulus, is caràteris prus antigus.

mamentarza avatu de una boxali is tumberzas no brìntanta in moimentu illuegus, ma a pustis de i custu mamentu, adenanti de su moimentu e sonu de is tumberzas, nei cùrridi unu tret'e tempus innui sa tùvuri esti obeta e s'àiiri pàssada donendi aici s'assùspiu. Custa cumboxi in Itallianu no esìstidi, dhu agataus in Aregu, Ingresu, Sanskritu, custa esti:

Perrarza

Th

Limbadentarza⁹⁴

Sa /T/ esti una mamentarza, perrarza, sintziarza.

Su /H/, acha, no esti pratigamenti unu sonu poita issu esti mudu, esti unu sùspidu. Esti po i custu ca no esti meda currègiu dh'imperai po assentai su tzucu.eu.

Su tretu de artigulatzioni eus giai nau esti cussu ca innui si fàidi sa tancadura e/o istrobu, in parti o in totu, de su cundutu suladorzu. Nei funti medas tretus de artigulatzionis su tanti cantus funti is òrganus de su cundutu suladorzu, innui si póidi serrai o istrobai s'àiiri ki esti bessendi a foras de is prumonis. Su

⁹⁴ Sa Limbadentarza esti sorresta de sa Sintziarza, unu pagu prus bàscia.

prus in giossu esti s'ogruena, su prus in pìtziri, o in artu, funti is murrus, totu is àterus si stérrinti⁹⁵ in mei de iustus duus càbidus.

Torrendi a pigai, in su Sardu is cumboxis funti:

Surdas

P, T, K, Th, Tz, C, F, S, Sc

Sonarzas

B, D, G, X, Z, L, M, N, R.

Po cumprendi mellus sa difaréntzia de i cust'ùrtima crassiadura podeus fuedhai, in s'interis ca cun is manus si tupaus is origas, sa /P/, /T/ e sa /K/; e a pustis sèmpiri cun is origas tupadas sulai sa /B/, /D/ e sa /G/. Aici podeus ascurtai sa difaréntzia sunétigu-limbìstiga. Podeus, bolendi intendi mellus custa difaréntzia e dh'aprapudhai cun unu didu o pódhighe, ponni su didu in su pisu, o

⁹⁵ Si dislocano.

su nuu, e torrai a sulai is cumboxis de prima, aici eis a intendi cun is manus cosa de bosatrus.

Is longarzas:

M, N, L, R.

Custas cumboxis eus giai nau ca in antigu fianta imperadas cumente boxalis, o mellus tenianta una cumponenti boxarza. Sa ema, sa enna, /M/, /N/, funti duas cumboxis nasarzas. S'artigulatzioni issoru esti sulada cumenti a is mamentarzas, in sa mastessi manera, ma in prus sutzédidi ca sa coemba s'abàsciada e s'àiri béssidi de is giassus carigarzus.

Ambumurrarza, nasarza.

M

Sintziarza, nasarza.

N

Sa ella, /L/, esti unu sonu costarzu, sa lingua tzàcada un'orta scéti, cirdina in su papàdulu, in s'interis ca po i custu istrobu s'àiri béssidi de is costaus

de sa llingua. Sa ella, /L/, sarda candu esti Allobada⁹⁶ esti sulada prus cirdina, o mellus prus cracada o strecada, de s'Itallianu. Aici fisigamenti e artigulorzamenti podeus cumprendi ca sa ella, /L/ allobada de su Latinu o Itallianu pàssada su imprus de is bortas in llingua sarda a su, /Dh/ o dhe sardu: Castellum = Castedhu, Ballo = Badhu, Nigellum = Niedhu, pròpiu poita funti artiguladas in casi a su matessi logu. Is sistemas limbìstigus si funti sèmpiri incarreraus a sa Limpiadura⁹⁷, insènduru issus siendas istorigamentis bénnias⁹⁸, s'esti ispetzialitzau in su prus piticu isfortzu e su massimu arrisultau in su cumprendi, e puru artigulai, is sonus⁹⁹ e is fuedhus. Custa Stiba¹⁰⁰ bàlidi po calisisiada llingua.

Sa erra, /R/, esti unu sonu orrodarzu donau de un'iscantus tzacus de sa llingua in su papàdulu, medas tzacus e a cad'e unu s'ighidi unu sonu. Fisigamenti e artigulorzamenti sa /R/ esti una ella, /L/, ki sa llingua si movidi fendi medas tzacus béssidi una erra, /R/. Is pipius cunfùndinti, o mellus no insènduru ispetzialitzaus in su limbazu, sa ella, /L/, cun sa erra, /R/, e scéti cun s'imperai e cun is curretzionis inghìtzanta issus puru a dhu sulai in manera currégia. A i custu tretu de pratikesa issus funti cumentu a is Tzinesus, ki in su sistema

⁹⁶ Geminata o doppia

⁹⁷ Semplificazione ed economia.

⁹⁸ Storicamente determinata.

⁹⁹ Fonemi, ma s'imprus po is fuedhus.

¹⁰⁰ Regola, o legge.

limbìstigu issoru no dh'adi difaréntzia Truncadorza¹⁰¹ mei una /L/ e una /R/, in pràtiga bólidi nai ca po unu fuedhanti e kini ascùtada su tzinesu, nai o intendi unu fuedhu cumentì a Carru o Callu po issu ada bolli nai sa matessi cosa. Cumentì po unu pipiu nai Lita o Rita, cumpréndidi, o po issu bólidi nai, a primitzius de sa pratikesa limbìstiga, sèmpiri su matessi nómini de sa matessi personi.

¹⁰¹ Carattere discreto o quantità discreta. Po i custus no b'esti oposizioni sulétiga.